

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O DOPUNI ZAKONA O DOPRINOSIMA**

Sarajevo, februar 2016. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Predlažemo da se Zakon o dopuni Zakona o doprinosima donese po skraćenom postupku, u skladu sa članom 172. Poslovnika Predstavničkog doma („Službene novine Federacije BiH“, br. 69/07 i 2/08) i članom 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), koji predviđaju da se zakon može donijeti po skraćenom postupku kad nije u pitanju složen i obiman zakon.

Naime, predloženom izmjenom Zakona ovlašćuje se Zakonodavno-pravna komisija Predstavničkog doma Parlamenta Federacije Bosne i Hercegovine i Zakonodavno-pravna komisija Doma naroda Parlamenta Federacije Bosne i Hercegovine da utvrde prečišćeni tekst Zakona o doprinosima i dostave domovima Parlamenta Federacije Bosne i Hercegovine radi verificiranja.

**ZAKON
O DOPUNI ZAKONA O DOPRINOSIMA**

Član 1.

U Zakonu o doprinosima („Službene novine Federacije BiH“, br. 35/98, 54/00, 16/01, 37/01, 1/02, 17/06, 14/08 i 91/15), iza člana 22. dodaje se novi član 22a., koji glasi:

„Član 22a.

Ovlašćuje se Zakonodavno-pravna komisija Predstavničkog doma Parlamenta Federacije Bosne i Hercegovine i Zakonodavno-pravna komisija Doma naroda Parlamenta Federacije Bosne i Hercegovine da utvrde prečišćeni tekst Zakona o doprinosima i taj tekst dostave domovima Parlamenta Federacije Bosne i Hercegovine.“

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".

O B R A Z L O Ž E N J E

I. USTAVNI OSNOV

Ustavni osnov za donošenje Zakona o dopuni Zakona o doprinosima je u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

II. RAZLOZI ZA DONOŠENJE ZAKONA

Osnovni razlozi za donošenje Zakona su:

Vlada Federacije Bosne i Hercegovine je, Zaključkom V. broj: 1758/2015 od 16.12.2015. godine donesenim na 34. sjednici održanoj 16.12.2015. godine, zadužila federalna tijela uprave da, nakon sagledavanja zakona i drugih propisa iz svoje oblasti, pristupe izradi prečišćenih tekstova tih propisa kad izmjene i dopune obuhvaćaju više od 40% osnovnog teksta propisa ili kad je osnovni tekst mijenjan ili dopunjavan najmanje tri puta, pri čemu je otežano praćenje teksta i sadržaja propisa. S obzirom da izmjene i dopune Zakona o doprinosima obuhvaćaju više od 40% osnovnog teksta Zakona („Službene novine Federacije BiH“, broj: 35/98) i da je isti mijenjan i dopunjavan sedam puta („Službene novine Federacije BiH“, br. 54/00, 16/01, 37/01, 1/02, 17/06, 14/08 i 91/15) izrada prečišćenog teksta i verifikacija domova Parlamenta Federacije Bosne i Hercegovine, omogućit će efikasniju primjenu i jednostavnije praćenje teksta i sadržaja Zakona.

III. OBRAZLOŽENJE POJEDINIH ODREDBI

Član 1. (član 22a. Zakona)

Odnosi se na ovlaštenje Zakonodavno-pravne komisije Predstavničkog doma Parlamenta Federacije Bosne i Hercegovine i Zakonodavno-pravne komisije Doma naroda Parlamenta Federacije Bosne i Hercegovine da utvrde prečišćeni tekst Zakona o doprinosima.

Član 2.

Odnosi se na stupanje na snagu Zakona.

IV. FINANSIJSKA SREDSTVA

Za provođenje ovog Zakona nisu potrebna dodatna novčana sredstva u budžetu Federacije BiH.

